



Inatsisartunut ilaasortaq
Doris Jakobsen
maani

Inatsisartut peqqussutaat nr. 8, 21. maj 2002-meersoq

Naalakkersuisut sinnerlugit matumuuna Inatsisartut suleriaasianni § 36, imm. 1 naapertorlugu apeqqummut qujavunga.

1. Atuarfik pillugu Inatsisartut Peqqussutaat nr. 8, 21. maj 2002-immersoq qaqugu inatsisartuni nalilersuivigineqassava?

Atuartut Atuarfik pillugu Inatsisartut peqqussutaat nr. 8, 21. maj 2002-meersoq naapertorlugu atuartinneqarsimasut siulliit atuarnerminnik 2008-p aasaanerani naammassinnissapput. Taamaalillutik atuarfimmi ukiuni tallimani kingullerni atuarnerminni peqqussut naapertorlugu atuartinneqarsimapput. Atuartut peqqussut naapertorlugu atuarnerminnik tamarmiusumik atuartinneqarsimasut 2013-imi naammassissapput. Naalakkersuisut isumaqarput inatsisartut peqqussutaannik nalilersuineq ilisimasanik uppersarsakkanik paasissutissanillu katersukkanik tunngaveqartariaqartoq. Atuarfeqarnermut tunngasuni ineriartortitsinermik suliniutaa-simasut sunniutaat nalilersuivigineqarsinnaassappata ukiorpassuarni paasissutis-sanik assersuutigineqarsinnaasunik peqartoqaqqaartariaqarpoq. Naalakkersuisut isumaat naapertorlugu ukioqatigiiaat ikinnerpaamik pingasut atuarfimmi inaarutaa-sumik nalilersuiffigineqareerpata, siusinnerpaamik 2010-mi itisiliiffiusumik misissueqqissaarnissamut naammattunik tunngavissaqarusuppugut. Paasissutissat taakku ass. 3. aamma 7. klassini misissuinerit inernerinut assersuunneqarsinnaa-sussaapput.

2. Naleqqiiffimmi oqariartuutigineqarpoq angajoqqaanik suleqateqarnerup aaqqissuussaannerusumik atuarfinniit ingerlanneqalernissaa anguniarneqar-toq, tamanna qaqugu, qanorlu piviusunngortinniarnearpa?

Atuarfimmi naliliisarneq uppersaasiortarnerlu pillugit Namminersornerullutik Oqartussat nalunaarutaanni nr. 3-mi, 27. januar 2006-imeersumi atuarfiup-angerlarsimaffiup suleqatiginnerannut killiliussisoqarpoq. Tassani ilaatigut taane-qarpoq atuartut tamarmik ilinniartitsisutik angajoqqaatillu suleqatigalugit ilinniar-nerminnut ineriartornerminnullu anguniakkiorlutillu iliuusissatut pilersaarusiussasut. Inerisaaviup Nalilersuinerimut immikkoortortaa maannamut naliliinermik pikkorissar-titsisarpoq, tassunga ilanngullugu ilinniartitsisunut 800-t sinnilinnut Angusakka-mik atuinermik pikkorissartitsisarlu, tassani ilaatigut atuarfiup-angerlarsimaffiup sule-qatigiinneri pingaartutut sammineqarluni. Inerisaavik ukiuni tulliuuttuni Angusakka-mik naliliinermillu sulii pikkorissartitsisarnialikkersaarpoq. tamatuma saniatigut Ineri-

11. marts 2008
Sags nr. 2008-006932
Dok.nr.43221

Postboks 1029
3900 Nuuk
Oq/tel +299 34 50 00
Fax +299 32 20 73
Kiip-mail@gh.gl
www.nanoq.gl/kiip

saavik 2008-mi atuarfinni siulersuisunut pikkorissartitsiniarpoq, tassani atuarfiup-angerlarsimaffiup suleqatigiinneri pingaarutilittut sammineqassallutik.

3. Atuartiteriaatsimut ilikkarfiulluarfiusumut (Crede) tunngatillugu qaqugu atuarfiit tamarmik pikkorissartinneqareersimassappat, taavalu nunatsinni ilisimatusarneq tunngavigalugu qaqugu ingerlatsilersinnaassaagut?

Ulloq manna tikillugu ilinniartitsisut 580-t missaanniittut "ilinniartitsilluarnermik" (CREDE) pikkorissartinneqarsimapput. Ukiumut atuarfiusumut 2008/2009-mut ilinniartitsilluarnermik pikkorissartitsinissamik Inerisaavik pilersaarusiuleruttoq, tamatumani 276-it qinnuteqarsimallutik. Inerisaaviup ilimagaa atuarfiit tamarmik 2015-ip missaani atuartitsilluariaatsinik ilinniartinneqarsimallutillu piviusunngortitsisimassasut.

Inerisaavik 2008-mi ilisimatusariaasissaminik pilersaarusiorniarpog, tassani ilinniartitsilluariaatsit sunniutaannik ilisimatusarneq siunissami atuarfiit ilinniarfiillu ilisimatusarfigineqarnerannut soqutiginarlut ilaanniissalluni.

4. Atuartiteriaatsip ilikkarfiulluarfiusup (Crede) piviusunngortinniarnani (Atuarfiup pisortaata, ilinniartitsisullu suleqataajumangitsut / suleqataangitsoortut eqqarsaatigalugit) Naalakkersuisut qanoq pilersaaruteqarpat?

Atuarfiit kommuninit suliassaqarfigineqarmata Naalakkersuisut atuarfinnik aalajangersimasunik pikkorissartitsinernut aalajangersimasunut peqataatitsiniarlutik pingitsaaliisinnaannngillat. Taamaattorli naalakkersuisut naliliipput ilinniartitsisut amerlanerujartuinnartut Inerisaaviup ilinniartitsilluarnermik pikkorissartitsisarnerata iluaqutaaneramik paasinnikkiartulersut, ilaatigullu ilinniartitsilluarnermik pikkorissaqataanikkut atuartitsinermikkut pitsanngorsaaqataarusulissasut.

5. Inatsit immikkut atuartitsinermut tunngasoq qaqugu naammasineqasava?

Immikkut atuartitsineq pillugu nalunaarutissatut missingiut ukiorpaalunni piareersimasimavoq. Immikkulli atuartitsisarneq pineqartut kommunerujussuarnut nuunneqartussat isumaliutigineqarnerannut ilaavoq, taamaattumillu immikkut atuartitsineq pillugu nalunaarut maanna Namminersornerullutik Oqartussat kommunillu akornanni isumaqatigiinniarnernut ilaatinneqarluni.

6. Atuarfinni ingerlalluarnermut apeqqutaasartorujussuuvoq atuarfiup pisortaasa qanoq ingerlatsineri, tamannalu tunngavigalugu Naleqqiiffimmi assigiinngitsunik oqariartortoqarpoq, tamanna tunngavigalugu aperiniarpunga atuarfiit pisortaannut piumasaqaatit qaqugu sukaterniarneqarpat?

Atuarfimmi ilinniartitsineq atuartitsinerlu, kiisalu atuartitsinermullu anguniakkat anguneqartarnersut atuarfiit pisortaasa kisimik akisussaaffiginngilaat. Atuarfiit pisortaata soorunami peqqussutit nalunaarutillu malinneqarnissaannut akisussaasuupput, atuartunullu ataasiakkaanut atuartitsinermik piviusunngortitsinermi atuarfinni ingerlatsisut tamarmik akisussaanerminnik pimoorussinissaat pingaaruteqarpoq. Oqaloqatigiinnikkut suleqatigiinnikkullu, kiisalu pikkorissartitsisarnermik, ilinniaqqitarnermik ingerlaqqiffiusumillu ilinniartitsisarnermik suliniuteqarnikkut atuartitsinerup pitsaanerulernissaanut tunngavissiisoqassaaq.

Inatsisitigut assigiinngitsunik suliniuteqartoqareerpoq atuartut tamarmik angusil-uarnissaannik qularnaariffiusussanik. Pingaartumik atuaqatigiit siusinnerusukkut atuarfimmi naammaginatumik angusisinnaasimanngitsut tamatumani pineqarput.

Ilikkagassatut anguniakkani atuartut ilikkagassaannut atuarfinnilu atuartitsinissamut erseqqissunik anguniagaqartoqarpoq. Ilikkagassatut anguniakkat ingerlaavartumik naliliisarnernut atuarfigisat naanerini qitiusumik aalajangersarneqartunut tunngavissiiffiupput. Atuartup ilikkagaqarnissaanut erseqqissunik anguniakkiornermi siunertaavoq atuartut, ilinniartitsisut, pisortat ilinniartitaanerullu tamarmi ilikkagassatut anguniakkanut tunngatillugu angusanik naliliisarnikkut atuarfimmi angusanik pitsanngorsaajuarnissamut kajumilersinneqarnissaat. Ilinniartitsisut, ilinniartitsisoqatigiit pisortallu – immikkut ataatsimullu – tamarmik suliaasaqarfimminnut akisussaa-suupput, atuartut ilikkagassatut anguniagaasunik ilikkagaqarnissaannik pitsanngorsaaneremut tunngatillugu.

7. Atuarfinni ilinniartitsisut amingaataajuannarput, ukiorpassuarnilu aaqqiivigineqarsinnaassanatik, tamanna tunngavigalugu inatsisartuniit oqariartuutigineqartarpoq arlaannik aqqqissutissanik siunnersuutininik saqqummiusisoqarluni, tamanna tunngavigalugu aperiniarpunga timelærerit ukiuni amerlasuuni atuartitsisusimast mikinerni kalaallisut matematematikkimi mernguernartunilu kalaallisut atuartillugit ilinniartitsisunngorniartinne-qarsinnaannginnersut?

Ass. timelærerinut sivikinnerusumik ilinniartitsisunngorniartitsisarnissaq Naalakkersuisut pilersaarutiginnilaat. Periuseq taanna siusinnerusukkut misilinneqareerpoq kissaatigineqartutullu sunniuteqarsimanani. Tamatumunnga taarsiullugu ilinniartitaanerit ingerlanneqareersut ilaatigut timelærerit ilaatigut ilinniarnertuunngorniarnissamut piareersaataasumik pikkorissareernikkut najugaq qimannagu qitiusumilluunniit ilinnialernissaannik periarfissiiffiusut innersuussutigineqassapput. siunis-sami ilinniartitsisunngortussanut piumasaqaatit Naalakkersuisut appartinnialersaanngilaat, tamatumali illuatungaani ilisimatusarnermik tunngaveqarluni ilinniartitsisunngorniartitsinikkut, kiisalu ilisimatusarfimmi ilinniartitseqqinnikkut ingerlaqqiffiusumillu ilinniartitsisarnikkut atuartitsinerup pitsaanerulersinneqarnissaa kissaatigalugu.

Ikinngutinnersumik inuulluaqqusillunga

Tommy Marø